

## Rintrée des classes malgré l' Covid

C'étoit l'année passeille, en 2020, malgré tous les problèmes d' Covid , les zéfants i z' étotent arpartis à l' école en mettant chacun un masque, y en avot de toutes les couleurs, on aurot pu croire qu'c'étoit l'carnaval du Fort Flipe mais y avot pan d'fanfare !

L' maite d 'école , i leur avait donné eune fabe de la Fontaine à apprinde à lu mason : l' corbeau et l' renard.

L' jour de l'rintrée, l' maite d'école, il avot bien vu que Paulo, l' fiu de min voisin Poulite, il étoit pâlot et pan trop dins s'n assiette. Ej diros même qu'il étoit blanc comme les hosties que l'curé i donne à l'messe du diminche à tout's les garnouilles ed bénitier. Comme Paulo, il argardot par terre en essayant de s'faire oublier, l'maite d' école, il l' a interrogéille.

– Paul, je t'écoute

– M'sieur , ej connos bien l' air de l' poésie mais pan les paroles car j'ai dû aller étrenner m'tante Lulu Tototte, rue du Banc à Guerzelles ! On a même mis chacun un masque sur nou figure !

--D'accord, Paul , d'abord, essaie de parler Français , ici, tu n'es pas sur le port de Grand-Fort-Philippe mais à l' école. Encore une fois, tu fais bien rire tes camarades mais tu auras un zéro bien rouge et bien rond comme une « guerzelle » comme tu dis si bien et tu copieras la fable dix fois en punition ce soir. Au moins tu ne transmettras pas le virus à tes camarades !

Alors, Gilles, l'fiu du marchand d'légumes qui étoit un peu fayot(c'est l' comble pour un éfant d'marchand l'légumes) deminda à l'instituteur si i pouvot réciter l'poésie

--M'sieur , puis-je réciter, s'il vous plaît ?

--Oui, Gilles, enfin un élève qui est sérieux, qui parle bien le Français, ça change ici,nous t'écoutons, prenez exemple sur lui !

Gilles comminça à réciter :Maître Corbeau sur un arbre perché

Tenait dans son bec un fromage

Maître Renard par l'odeur alléché....

Gilles, il a même pan eu le temps d'continuer qu'il étoit interrompu par Marcel, l' fiu à Zef Doreille(on l'appelle comme ça au Fort Flipe, car il avot des caveux d'la couleur d'un Louis d'or)

-M'sieur, min père, i m' a fait apprinde m' conjugaison et ast'heure, j'sus un spécialisse . J' vas vous conjuguer l'verbe « allécher » l'même que dans l' fabe, à l'imparfait

-D'accord, nous t'écoutons

– Alors Marcel, il a commencé sin verbe à l'imparfait

J'alléçais

Tu alléçais

Il alléchait

Nous alléchions

Vous alléchiez....

A c' momint-là, tous les élèves, i z' étotent écrouleilles par terre tellemint i z'étotent pameilles ed'rire. Ça fésot plus bruit au Fort Flipe qu'une manif de la CGT des

dockers sur l' port de Dunkerque !

Par chance pour li, l'maite d' école, il étot d'bonne humeur ! Pour mi, malgré tous les ennuis sanitaires d' l'anneille, la veille il avot passeille un bon momint sans masque aveuque s'finme (j'ose pan dire c'que c'étot, mais vous avez suremint devineille) .

Alors il a prind s'grosse voix et il a dit à Marcel : « Toi aussi, tu as bien fait rire tes camarades mais ce soir tu seras confiné en punition et tu auras ce problème à faire : Sachant qu'un camembert pèse 275 grammes et qu'un corbeau picore 2,5 grammes à chaque coup de bec qui, lui, dure 2 secondes : calcule le temps que le corbeau mettra pour finir le camembert et le nombre de coups de bec qu'il devra donner.

Tu auras en plus une rédaction à faire sur le sujet suivant : décris en deux pages un camembert sans parler de sa forme et de sa couleur.

Tout ça, mes gins, ça m' a rapp'leille min jeune temps quand j'étois au collège pan loin d'ici ! En c'temps-là, y avot pan d' virus mais j' avos étéille confineille en colle pendant quatre heures . J' avos dû en 8 pages décrire eune boule ed billard sans parler de s' forme et de s' couleur . Tout ça parce que j' 'avos mis des éponges derrière les cordes du piano du prof de musique ! Ce pauvre fiu, il arrêtot pan de faire des fausses notes et des canards à chaque fois qu' i comminçot à jouer. Nous, on s étot bien marreille mais avec min père, j'avos passeille un sale quart d' heure quand il avot du signer m'feuille de colle! Et j' peux vous dire qu'i y avot pan eu d' geste barrière !